

# **TUSI TAIALA**

---

**MO LE PULEA TATAU MA LE VA'AIA LELEI O  
I'A MA FIGOTA O LE GATAIFALE**

---

**O LE AFIOAGA O**

**PAPA – SATAUA**

**(Tusia Aso 28 Aperila , 2000)**

**SAUNIA:**

Pule mamalu a Alii ma Faipule ma tagatanuu o le Afioga o Fagamalo ma le Lagolagosua a le

Vaega o Faigafaiva,

Matagaluega o Faatoaga ma Faigafaiva

# FAASOLOGA

## **1. Fa'amatalaga e uiga i le afio'aga,**

1.1 Faamatalaga o foliga va'aia faanatura o le Afio'aga

1.2 Faafanua o lenei Afio'aga

## **2.m Tulafono i Aso ua Mavae ma Aso nei (Siosiomaga o le Gataifale ma Faigafaiva)**

2.1 Aotelega o tulafono o le siosiomaga o le gataifale ma faigafaiva i aso ua mavae ma ona po nei.

## **3. O lenei Fuafuaga Tatau**

3.1 Autu

3.2 Tapenaga

## **4. Fuafuaga Faataatitia a le Afio'aga**

4.1 Ina ia faamalositia tulafono faalenuu e faasaina ai faigafaiva e le talafeagai i Papa- Sataua.

4.2 Ia faasalalauina tulafono a le Afio'aga.

4.3 Ia iloilo ina tulaga talafeagai o le faasaina o se vaega o le gataifale o le Afio'aga .

4.4 Ia iloilo ina le tulaga talafeagai ma le lelei o le gataifale mo le tufaina atu ma le faafaatoagaina o i'a ma figota .

4.5 Ia unai'a Faigafaiva i tua 'au ma Aoaoga mo faigafaiva.

4.6 Faamatalaga e uiga i Upega ma I'a laiti.

4.7 Ia taofia le lafoaiina ma le faatafunaina o le Gataifale.

## **5 Talosaga a le Afioaga**

## **Fa'alupega o le Afioaga**

**AFIO LE PAIA I AIGA  
MA LE FALE FA TAUUA  
MA LE FETALAIGA IA  
LEALUGA**

## **Faatomuaga**

O lenei fuafuaga o le Pulega o le Siosiomaga o le Gataifale ma le Va'aia Lelei o i'a ma figota, na saunia e Alii ma tagata o le Afio'aga o Fagae'e faatasi ai ma le lagolagosua a le Vaega o Faigafaiva o le Matagaluega o Faatoaga ma Faigafaiva (MAF) atoa ai ma le Polokalame Fesosoani a le Malo o Ausetalia (Aus Aid).

### **Sui auai o le fono faai'u e taliaina ai lenei fuafuaga.**

Ali'i Taua  
Pulenuu  
Failauga  
Alii Ofisa sili o le vaega o Faigafaiva  
Alii Ofisa Sinia o Faigafaiva  
Alii Ofisa mo le Va ma Nu'u  
Alii / Tamaitai Ofisa  
Ma Nisi Sui  
Sui o le Komiti mo le Vaaia Lelei o ia ma figota (KVL)  
Ma nisi Sui

---

---

### **Sui o le Komiti mo le Va'aia Lelei o I'a ma figota (KFVL)**

(Ia faamaeaina pe a uma le fono faai'u e taliaina ai lenei fuafuaga).

#### **Vaega o Matai**

Saunimaa Simi  
Tauai Afereti  
Suega Sao  
Faamoetau Eme (Pulenuu)

#### **Vaega o Aumaga**

Iefata Lava  
Usitai Valu  
Lokeni Faamalele

#### **Vaega o Tamaitai**

Taumaloto Maiava  
Malae Malaga  
Faafeu Talanoa Semu

#### **Sui o le Ofisa o Faigafaiva;**

Totive Aloaina	Sui Alii Ofisa Sinia Faigafaiva
Mamoe Malolo	Alii Ofisa Faigafaiva
Mauisiisii Moamoa	Alii Ofisa Va ma nuu
Meter Watt	Sui mo le Malo o Ausetalia
Isaia Matau	Alii Ofisa Lagolago Faigafaiva
Niutao Tinomeneta	Tamaitai Ofisa Lagolago Faigafaiva

## FAALAUITELE

<b>Fa'amatalaga</b>	<b>Aofaiga</b>
O le faitauaofai o tagata o leneu alalafaga	Sili atu i le 700
O le aofai o aoga i totonu o le afioaga ---Tulagalua Junior High	1 0
Aofai o Ekalesi i totonu o le afioaga	1- EFKS
O le umi o le aau o le Afio'aga	1 Kilomita
O le mamao o le aau mai le matafaga (mita)	50 mita
Vaega aupito sili ona loloto o le aloalo pe a pe le tai (loloto , futu)	8–10 futu
Vaega loloto o le aloalo pe a pe le tai i aso ua mavae (futu)	15–20 futu

## FAIGAFAIVA

<b>Fa'amatalaga</b>	<b>Aofaiga</b>
O le fitauaofai o tamaloloa faifaiva e fagogota i le tasi le aso i le vaiaso	30 - 40
Aofai o fafine fagogota i le aso i le tasi vaiaso	10 - 20
Aofai o tagata fagogota i tuaau i le aso i le tasi le vaiaso	30--40
Aofai o paopao e faaaogaina mo faigafaiva i totonu o le Afio'aga	3
Aofaiga o alia fagota o lo o faaaogaina mo faigafaiva	1
E faatagaina ni tagata fagogota mai nisi alalafaga e fagogota i lo uotou gataifale?	Leai

<b>Ituaiga I'a / Figota</b>	<b>Ituaiga Faigafiva</b>	<b>Taimi faaalu mo le tasi tau'i'a /10 i'a / ofu(Hrs)</b>	
		<b>Taimi nei</b>	<b>10 tausaga ua tea</b>
I'a maua soo (se 5)			
1. Pone	Lama , Upetga	3 itula	½ itula
2. Malau	Ofe Tautu,Lama	3 itula	½ itula
3. Mataeleele	Afa ,matau, lama	4 itula	1 itula
4. Malai	Lama , afa ma le matau	2 itula	20 minute
5. Fuga	Lama , aupega	2 itula	30 minute
Figota maua soo (se 3)			
1. Alili	aoina	2 ½ itula	30 minute
2. Aliao	aoina	2 ½ itula	30 minute
3. pipi	eli	2 ½ itula	30 minute

<b>Isi Faigafaiva</b>
Sei malau
Afaafa loloa
Po- Paa
Sali Matapisu
Faga (matatao)

<b>Isi taumafa o le Sami</b>	<b>Taimi faaalu mo le /10 mea ua taua (Hrs)</b>
Faisua	1 itula
Paa	1 itula
ula	1 itula
Mamao	1 itula
fugafuga	1 ½ itula
Laumei	Sei vagana ua maua

**VAEGA TAUA O LE SIOSIOMAGA MO FAUGAFAIVA**

<b>Vaega</b>	<b>Vaega taua (sikuea mita)</b>	
	<b>Taimi nei</b>	<b>Sefulu tausaga ua tea</b>
Togotogo	Leai ni togotogo	leai ni togotogo
Amu	600 – 700 sikuea mita	sili atu i le 700 sikuea mita
Vaovao o le sami	200 – 300 sikuea mita	200 – 300 sikuea mita

**2.1 Tulafono faale-nuu i aso ua mavae ma aso nei.**

O le tele o tulafono i aso ua mavae o lo’o faa’auau ona faa’aogaina pe i o aso nei . O nei tulafono e aofia ai ; fanai’a , ava niukini , vailaau oona ma tuiga.

O le faa’aogaina o fanai’a , avaniukini m vailaau oona mo fagotaga sa faasaina lea i totonu o Papa - Sataua , peitai e iai nisi o tulafono ua maea ona *faasalalauina i le leitio (2AP) i aso ua mavae.*

I le aso 11 Me 200, na pasia ai e le komiti le faa’auauina o le tulafono e faasaina ai faigafaiva e le talafeagai i totonu o le Afio’aga ona oni mafuaaga e pei ona taua i lalo;

- Ina ia taofia ai le soona fagotaina o le gataifale e isi tagata
- Ona o le faaaogaina pea e tagata mai isi Afio’aga o Faigafaiva e le talafeagai mo fagotaga i le gataifale o lenie Afio’aga.
- *Ina ia toe puipuia ai le faaleagaina o amu ma nisi vaega o le gataifale mo le toe faaleleia o le palolo e pei ona masani mai ai anamua.*
- Ina ia mafai ai ona malu puipuia atinae e pei ona talosagaina i gataifale o le Afio’aga.

O nei tulafono o lo’o faamamaluina ma amanaiaina e pei ona sa i ai i le taimi muamua faatoa faamamaluina ai i totonu o le Afio’aga o Papa - Sataua , ae peitai e

le o mamalu i nei vaitaimi ona o le le amanaiaina e isi Afio'aga o tulafono faale siosiomaga a Papa - Sataua.

**O mafuaaga la nei e pei ona taua e aofia ai :**

- . Leai o se faamalasia faale-malo,
- . O nisi tagata o lo'o silasila nao le taimi nei ae le o tagai i le taimi oi luma Faapea foi ma le lumana'i manuia o tupulaga o le Afio'aga o lo o lalovaoa.

O nei mafuaga uma o loo aafia i le Fuafuaga mo Pulega o le Siosiomaga o le Gataifale ma le Va'aia Lelei o i'a ma figota o Papa – Sataua.

E le gafatia na o le malosi faaletulafono a le Malo ona malu puipuia ai le siosiomaga o le gataifale ma ona tamaoaiga . E utiuti tulaga tau tupe ma to'agaogao foi le afaigaluega a le Malo latou te faamalasia ma unai'a tulafono tau faigafaiva i nuu taitasi o Samoa. O le fofu talafeagai o lo'o i aao o tagata o loo soifua ma alaala i le Afioaga faatasi ai ma le faamalaluga a le Fono a Alii ma Faipule. O lenei tali o le a le pine ona unai'a tagata latou te galulue faatasi ina ia malupuipuia ma faaleleia le siosiomaga o le gataifale ma ona tamaoaiga mo nei ma tupulaga o le lumanai.

### 3. O lenei fuafuaga tatau

#### 3.1 Autu

O lenei fuafuaga ua taua ai ni faatinoga e manaomia ina ia maua ai sona taunuuga maumaututu . O le faamoemoe maualuga o le Malo ina ia faalelei le siofua maloloina o tagata o le Afio'aga , ma ia fatupulaia atili le fofoga taumafa mai le sami . O lea e manaomia ai tagata uma ina ia avea nei faatinoga e puipuia ai le siosiomaga o le gataifale ma ia fuafua tatau ai le soona fagaota . O nei fuafuaga na faaalua e le Komiti Faufautua o le Va'aia Lelei o ia ma figota (KFVL) o le Afio'aga e avea ma autu.

#### *Autu*

**“Ina ia puipuia le siosiomaga o le Gataifale ma le toe faatupulaia o Ia ma Figota mo tupulaga o le lumanai.”**

Na ioeina e le fonotaga a le Komiti (KFVL) i le Aso 28 Aperila 2000, o le Fono a Alii ma Faipule latou te faamalasia ma uanaia vaega eseese o le Afio'aga aua le puipui ma le faasao o atinae ma alamanuia o le gataifale o Papa-Sataua . O le komiti o loo gafa ma le tapenaga o tulafono o tuafono aemaise o vaega uma e tatau mo le pule mamalu a Alii ma Faipule mo le pasiaina .

O lenei fuafuaga ua faamoemoe ina ia oo atu i se taimi oi luma o lo'o faa'aogaina pea, ae peitai afai ae i ai se suiga , e tatau lava ona toe feutagai lelei vaega uma .(Afio'aga ma le Ofisa o Faigafaiva).

### **3.2 Tapenaga**

O lenei tapenaga sa sunia lava e tagata o le Afio'aga o Papa - Sataua faatasi ai ma ni fautuaga auiliili ma le lagolagosua a le vaega o Faigafaiva o le Matagaluega o Faatoaga ma Faigafaiva . O se oototoga lenei o tapenaga o le Pulega o le Siosiomaga o le Gataifale ma le Va'aia Lelei o i'a ma figota.

***Feiloaina Muamua :*** O lenei feiloaiga muamua sa faafesootai lea e Mauisiisi Moamoa ( Alii Ofisa va ma nuu) ma Mamoe Manolo (Alii Ofisa o Faigafaiva) i le aso 6 Aperila 2000 , ona o le faamoemoe ia faaleleia le gataifale o le Afioaga o Papa – Sataua .O lenei feiloaiga na faafesootaia le susuga i le Pulenuu ma tuuina atu ai loa le fonotaga a le Afioaga ma atofaina ai loa le uluai fono poo le fono muamua ..

***Fono Muamua:*** O le tauaofiaga o le fono tele a le Afio'aga i le Aso 14 o Aperila 2000 na taliaina aloaia ai polokame ma sa vaevaeina ai loa le mamalu o le Afio'aga i ni vaega e tolu.

***Vaevaeina o Vaega :*** O vaega sa vaevaeina i ai e aofia ai Matai , Aumaga ma le Komiti a Tina ma Tamaitai . Sa feiloai nei vaega ma sui o le Ofisa o Faigafaiva (Extensión staff) ma faatalatalanoaina o faafitauli o le gataifale o loo aliae i le Afioaga atoa ai ma ni tali talafeagai e áfono foia ai nei faafitauli.

***Komiti Faufautua mo le Va'aia Lelei o i'a ma figota (KFVL):*** I lenei komiti o lo'o aofia ai sui taitoatolu sa filifilia mai i vaega taitasi faatasi ai ma le susuga i le pulenuu. O lenei komiti sa latou tuufaatasia faamaumauga ma faamatalaga mai i vaega taitasi ma sa mafai ai ona latou tapenaina se ata faataitai o le Pulega o le Siosiomaga o le Gataifale ma Va'aaia Lelei o i'a ma figota . O lenei fuafuaga o lo'o aafia ai lagona o tagata o le Afio'aga i le puleaina o faigafaiva ma le siosiomaga o le Gataifale.

***Tauaofiaga o le Fono Tele:*** O le a tauaofia lenei Fono i le Aso 18 Me , 2000 mo le taliaina atoa ma se teuteuga o le fuafuaga muamua o le pulega o le Siosiomaga o le Gataifale ma le Va'aia Lelei o i'a ma figota.



#### **4. Fuafuaga Faataatitia**

O fuafuaga faataatitia o ni gaiouga ua faamoemoe e faono foia ai faafitauli ua faaalua ma faailoa mai e vaega eseese o le Afio'aga. E lua (2) ituaiga fuafuaga faataatitia lea ua fuafuaina. Muamua, o le fuafuaga ua aupito sili ona taua, o fuafuaga faataatitia lea ua faaagaga mo nuu poo Afioaga. O lona lua o fuafuaga faataatitia, ua faamoemoe lea mo le Ofisa o Faigafaiva, ma o lenei tapueina o le faamoemoe ua fuafuaina. O gaiouga uma lav ua faamoemoe e faatino ai fuafuaga faataatitia mo le Ofisa o Faigafaiva e ao ona faamaonia e le Faatonu Lagolago (Faigafaiva) o le Matagaluga o Faatoaga ma Faigafaiva. O ne fuafuaga uma ua faamoemoe lo latou faataunuuna i le lagolagosua mai o le Afioaga ma ona tagatanuu. O fuafuaga faataatitia o le a fesosoani ai vaega o faigafaiva e ala atu i ata video m, pepa o faamatalaga, faia o ni tautalaga i vaega eseese e pei o aoga ma faalapotopotoga faale-ekalesia atoa ai ma le susesueina o tulaga eseese o le gataifale e talafeagai mo atinae.

Nafaavae ma pasiaina e le fono a le komiti i le aso 28 o Setema, ni tulafono e aiaia ai nisi o mataupu e pei ona taua:

. *O faigafaiva le talafeagai -( e pei o fanaia, vailaau oona, ava niukini ma isi)*

. *Fautuaga mo suauu o lo'o masaa ese mai vaa i le gataifale.*

. *Nisi o vaega faasaoina e pei o - ogasami faasaoina, faafaatoagaina o ia ma figota o le sami.*

. *Faatasi ai ma faigafaiva mai isi afio'aga.*

O se aotelega o nei fuafuaga faataatitia na faapogai mai leai faatalatalanoaga o faafitauli ma tali talafeagai i fonotaga a vaega eseese o le Afio'aga. O nei fuafuaga ua aofia ai faatinoga ma tulafono e pei ona fautuaina e vaega eseese mo le fono mamalu a Alii ma Faipule.

#### **4.1 Ina ia faamalosi tulafono faale-nuu e faasaina ai faigafaiva e le talafeagai i Papa - Sataua**

##### **Otootoga**

O nisi o faigafaiva ua mautinoa lo latou tulaga ogaoga i le faatamaiaina o le fogatai (amu) ma le tele o meaola o le gataifale, ma o se faataitiga o nei ituaiga o faigafaiva e pei o le vailaau tālavala, ava niukini, tuiga poo le faamoia atoa ai saeuga ma fanaia. Ua le gata ina faatamaia ai se vaega tele o le fogatai (amu) ae ua faapena foi ona faaumiumi se taimi e mafai ai ona toe faatupuina le tele o meaola o le gataifale ua aafia ma mamate i nei ituaiga o faigafaiva. Ua mautinoa foi o le tasi lenei o itu ua tauau ina mou atu ai le palolo, se tasi foi o mataia i a tuaa sa sili ona tetele i aso ua mavae, ao lenei ua tauau ina mou atu, ona ua faaleagaina le tele o amu o le fogatai. A faaleagaina le fogatai o lona uiga o le a leai ni i'a ma ni figota e maua mai.

### **Fuafuaga Faataatitia a le Afio'aga.**

I le fonotaga i le aso 28 o Aperila, 2000 a le Komiti (KFVL) na molimauina ai le toe faamalosiā ma unaia ai le komiti ina ia toe faasalalauina ma faamautuina ataili le tulafono ina ia malu puipuia ai tulaga o le atinae aemaise o ogasami faasaoina .

#### **Fautuaga**

Ina ia faatumauiina pea ma faamalosiā tulafono o lo'o iai a le Afio'aga mo le faasaina o faigafiva le talafeagai.

#### **Tulafono :-**

*“Ua matua faasaina lava faigafaiva le talafeagai e pei o fana'ia, ava niukini ,faamo'a/tuiga/saeuga ma vailaau oona i le gataifale o le Afio'ag o Papa - Sataua.”*

#### **Taimi Fautuaina**

Ina ia aloai'a le faamamaluina ma le faamalosiā o lenei tulafono pe a mavae le Fono tele e pasia ai le Pulega o le Siosiomaga o le Gataifale ma le Va'aia Lelei o ia ma figota ia , Me 2000.

#### **Faasalaga Fautuaina**

O le faasalaga ua uma soalaupuleina e Alii ma Faipule mo so o se tasi o le afioaga na te solia lenei tulafono e \$200.00, ao tagata mai isi afioaga o le a molia loa i le Malo.

### **Fuafuaga Faataatitia a le Ofisa o Faigafaiva**

O le a fesoasoani le Ofisa o Faigafaiva mo le faatinoina o fuafuaga faataatitia a le Afio'aga e ala atu i lana polokalame fesoasoani faatasi ma le lagolagosua i faamatalaga ma fautuaga mo le faamautuina o fuafuaga atoa ai ma le faasalalauina o nei tulafono a le Afio'aga pe a maea ona pasia ma tapenaina e Alii ma Faipule o le Afio'aga.

## **4.2 Tulafono e Taofia ai faigafaiva i ogasami faasaoina**

### **Otootoga**

Ua fautuaina e le KFVL le faamamalu o tulafono a le nuu ua faamoemoe ma faagaga i le puipuiga o le siosiomaga o le gataifale ma ona tamaoiga ae faapea foi i ogasami faasaoina . Sa iloiloina foi e le Komiti e ao ona toe silasila totoa le afioaga i tulafono , i aso ua mavae faatasi ai ma nisi o tulafono fou ina ia mafai ai ona maua le silafia faalauaitela e le atunuu ma tagata lautele tusa o aiaiga uma o nei tulafono aemaise lava ogasami o le a faasaoina .

### **Fautuaga**

Ina ia silafia ai e le Atunuu aemaise ai o Afio'aga tuaoi ma ia faapea foi ona nofouta i ai e tusa o faasalaga ua aiaia e Alii ma Faipule o Papa – Sataua .

### ***Tulafono***

*“Ua matua faasaina lava soo se tasi ona toe fagotaina pe solia foi ogasami o le a faasaoina ma puipuia.”*

### ***Faasalaga Fautuaina***

- O lenei tulafono ua patino tonu i tagata o alala i totonu o lenei afioaga .O le solia poo le fagotaina o o le ogasami faasaoina e \$20.00 lona sala , ao le e toesea poo le faaogaina o ni faigota poo ni ia e \$50.00 lona sala.
- tagat o nuu tuaoi ma tagata ese o le a molia i le malo.

### ***Taimi Fautuaina***

O le faamamaluina o tulafono uma atoa ma ona aiaiga o le a faataunuaina pe a maea ona pasia e le Fono a Alii ma Faipule o le Afio’aga i le masina o Me.

### **Fuafuaga Faataatitia a le Ofisa o Faigafaiva**

O le fesoasoani le Ofisa o Faigafaiva i le tapenaina o le tulafono a le Afioaga atoa ai ma le faasalalauina mo le silafia e le Atunuu .O lenei foi tulafono , o le a faamalosia e le Ofisa o Faigafaiva lalo o lana Tulafono 1996.

### ***4.3 Fautuaga mo vaa suauu o loo uia gataifale o Papa – Sataua Oototoga***

O se tasi lenei o vaega o loo aafia i faatalatalanoaga i vaega taitasi , na faalia ai e le itupa o Aumaga ina ia faia se tulafono e puipuia ai lea tulaga. Ma ua lagolagoina foi e pule mamalu a Alii ma Faipule ona o puipuiga lava o le siosiomaga faa-le-gataifale.

O le masaa ese mai o suauu o le a;

- avea ma auala e mamate ai i’a atoa ai ma nisi meaola o le sami o lo’o i ai .
- Mamate ai amu ma le toe mau ia nofoaga e tautuufua ma ofaga ai, o le a faapea foi ona le ola lelei ni atinae o le a faamoemoe mo le gataifale.

### **Fuafuaga faataatitia a le Afio’aga**

E ao i le Afioaga ona silasila totoa ma mataituina nei vaa suauu mai le masaa ese mai o suauu ma penesini ina ia mautinoa ai le ola lelei o meaola o le gataifale .Ae maise o ni atinae o le a faafaatoagaina ai .

### **Fuafuaga faataatitia a le Ofisa o Faigafaiva**

O le a fesoasoani le ofisa o faigafaiva mo le faatinoina o fuafuaga faataatitia a le afioaga e ala atu i lana polokalame fesoasoani faatasi ma le lagolagosua i faamatalaga i tulafono faa-le – siosiomaga . O le a fesoasoani foi le Ofisa ina ia avea o se tulafono lagolago a le malo lea tulaga.

### **Tulafono**

*Ua matua faasaina ona toe faaleagaina leni gataifale i ni suauu ma ni penesini masaa i vaa suauu.*

### **4.4 Ia iloiloaina le tulaga talafeagai o le faasaoina o se vaega o le gataifale o le Afioaga.**

#### **Otootoga**

O se vaega o le gataifale ua faasaoina e tataua ona le toe aafia lea i ni faigafaiva .O le avea o se vaega o le gataifale ma ogasami faasaoina e ao ona aafia ai le malu puipua o le siosiomaga ma ona tamaoaiga (fogota ma i'a) .O leni vaega faasao o le a faasaoina ai togotogo , amu , aau faapea foi i'a ma figota ina ia mafai ona maua e nei meaola le avanoa e tautuufua ma fanafanau ai . O le autu taua lava, o le a avea ai leni faasao ma punaaga o ia ma figota e mafai ai ona faaleleia nisi o vaega o le gataifale ua afaina .O le a fanafanau ma tautuufua i'a ma figota o lo'o aumau ma nofononofo i le vaega faasaoina ma tafea atu o latou fua fanal ma faatupuina ai meaola i nofoaga ua le maua ai ni i'a ma figota . O le a le pine ona manuia i tatou ae faapea foi tupulaga p le lumanai.

#### **Fuafuaga Faataatitia a le Afio'aga**

*O le Afio'aga o ao ona --;*

- \* Galulue faatasi ma lagolagosua i le aufaigaluega a le Ofisa o Faigafaiva i le faatinoina o le iloiloga o le tulaga talafeagai o se vaega o le gataifale o Fagae'e e avea ma vaega faasaoina.
- \* Talanoaina ma auiliilina se lipoti ma ia faia iai se faaiuga i le faavaeina o le vaega faasaoina.
- \* Ia faatinoina loa fuafuaga mo le faavaeina o le vaega faasao e pei o le mataitau ,tausiga ma le pulea lelei o se vaega ua atofaina .
- \* Ina ia faasalalauina i le ea se maliega a le Afioaga ua iai e faasaga i le ogasami faasaoina.

### **Fautuaga**

Ua fautuaina e le Komiti le faia o se tulafono e faasaina ai so'o se tasi ona toe fagotaina le vaega ua faasaoina e le Afio'aga.

### **Tulafono**

*“Ua matua faasaina lava so'o se tasi mai nisi o Afio'aga ona toe fai ni faigafaiva ma so'o se isi lava ituaiga o fagotaga i le gataufale o Papa – Sataua i vaega o le aloalo ua faasaoina ”*

#### **Fuafuaga Faataatitia a le Ofisa o Faigafaiva**

O le Ofisa o Faigafaiva o le a ;-

- \* Faatinoina le suesuega o le tulaga o se vaega o le gataifale e avea ma vaega faasaoina a'o le'i maea le masina o Iuni , 2000.
- \* Saunia se lipoti mo le tuuina atu i le komiti o le Pulega O Faigafaiva ma le fono.

- \* Pe a tusa ai o le a tuuina atu ni fautuaga ma ni faamatalaga mo le tausiga, pulea ma le vaaia lelei o le vaega faasaoina o le gataifale o le Afio'aga .

#### ***4.5 Ia iloiloina le tulaga talafeagai ma le lelei o le gataifale mo le tufaina atu ma le faafaatoagaina o i'a ma figota***

##### **Otootoga**

O le tufaina atu ua faatatau lea i le aumaia o ni figota po'o ni i'a mai isi Atunuu ma tufa atu e faaola i se ogasami ua talafeagai .O le faafaatoagaina ua faatatau lea i le faaolaina-i-vai o ia ma figota i se nofoaga ua saunia .O le tufaina atu ma le faafaatoagaina o nisi ia o auala faa-atinae mo le faatupuina o i'a ma figota aua le fofoga taumafa o se afio'aga. O nei auala faa-atinae e moomia ai lava le galulue filiga ma le faamaoni o le Afio'aga ina ia ausia se taunuuga lelei.

##### **Fuafuaga Faataatitia a le Afio'aga**

*E ao i le Afio'aga ona -:*

- \* Galulue faatasi ma le afaigaluega a le Ofisa o Faigafaiva i le faatinoga o le iloiloga pe talafeagai ma lelei le gataifale o Papa-Sataua i le tufaina atu ma le faafaatoagaina o i'a ma figota.
- \* Auiliiliina o se lipoti i suesuega o le talafeagai o le gataifale , ma ia faia se faaiuga i le faatinoina o nei atinae i totonu o Papa-Sataua
- \* Galulue faatasi mo le leoleoina o nei atinae ma vaaia o tagata o lo o latou faatamaia ma solia tulafono e faatatau i nei atinae.

##### **Fuafuaga Faataatitia a le Ofisa o Faigafaiva**

*E ao i le Ofisa o Faigafaiva -;*

- \* O le tuuina atu ni fautuaga ma ni faamatalaga mo le tausiga o figota.
- \* Pe a tusa ai ma fuafuaga o le a tuuina atu figota mo le tufaina atu i ogasami ua fuafuaina .(faisua)
- \* Fesoasoani i le vaaia ma le mataituina o le sologa lelei o le tuputupu ae o figota ua atinaeina.

#### ***4.6 Ia unaia Faigafaiva i tuaau ma Aoaoga mo faigafaiva***

##### **Otootoga**

E mafai ma faaono faaleleia le tamaoaiga o i'a ma figota maua i luga o l aau ma vaega o le gataifale ua faaleagaina pe afai ae faaitiitia le fagotaina o nei vaega o le gataifale po'o o le unaia o tulaga tau faigafaiva i tuaau ma aau

mamao . O se tasi o auala e faaono faalelei ai le tamaoaiga o le gataifale o le fagotaina lea o ogasami o le gataifale e lei fagotaina lava aemaise o tuaau . Ua i ai le talitonuga i le KFVL e ao ona unaia ma faamalosi le faigafaiva i tuaau ma aau mamao ina ia tuumamaina ai le fagotaina o i'a ma fagota o le aau ma le aloalo . Ua le gata foi i lea , ae o le a mafai ai ona toe faatupulaia ma faaleleia ai le tamaoaiga o le tele o vaega o le gataifale ua faaleagaina . Talu ai ona o le tele o nuu e leai ni vaa e talafegai mo fagotaga i tuaau o lea ua taumafai ai le Ofisa o Faigafaiva e sailia ni vaa talafeagai ma lea faamoemoe.

### **Fuafuaga Faataatitia a le Afioaga**

Ua faatalosagaina e le afioaga le Ofisa o Faigafaiva mo ni a latou vaa fagota se Tolú (3) ma ia faatinoina se aoaoga i auala tau faigafaiva e aoaoina ai le autautai o le nuu ma ia faatautaia e se Alii Ofisa o Faigafaiva ua i ai se tomai faapitoa tau faigafaiva .

**Faamatalaga faaopoopo - Vaa mo fagotaga i tuaau;** O le leai o ni vaa talafegai mo fagotaga i tuaau o le ala lea ua avaea ma vaegase i le unaia o faigafaiva i tuaau. E leai se vaa fagota e i le va o le alia ma le paopao, ma o se vaa i lea va ua talafeagai , ua filifilia ai le vaa e i le va o le 14-16ft ma o lona tau e itiiti ifo o le \$10,000.00 tala tuufatasi i ai ma lona afi . O lenei ituaiga vaa e mafi ona faaaavaaina e ni tagata se toa 2 pe 3 foi ma e mafai ona faaaogaina lenei vaa i faigafaiva i tuaau. O le a fesoasoani le Ofisa o Faigafaiva i aiaiga taitasi i mea tau nonoga tupe aua le faatauina o le vaa ma le afi . O le a faia foi ni aoaoga mo le saogalemu i luga o le sami , teina ma le vaaia lelei o i'a tausiga o vaa atoa ai ma le faiga o mea fagota.

### **Fuafuaga Faataatitia a le Ofisa o Faigafaiva**

O le a ioiloina e le Ofisa o Faigafaiva manaoga i auala tau faigafaiva e ao ona fesoasoani ai e aoaoina ai le mamalu o le autautai o le Afio'aga . O itu taua o le a aafia i nei aoaoga e pei o le teuina ma le vaaia lelei o ia , saogalemu i luga o sami , tausiga o afi vaa , faa'asuina o i'a ma isi lava mataupu taua.

## ***4.7 Faamatalaga e uiga i Upega ma I'a laiti***

### **Otootoga**

O le talanoaina o upega i le fonotaga i le Aso 28 o Setema , 1999 ma ua ioeina ai e le komiti le faaaogaina loa o le Tulafono Faatonutonu mo Faigafaiva 1996 e pei ona pasia e le Malo o Samoa ia Aperila i le tausaga 1996 mo le vaega e pei ona taua i luga . O lenei tulafono o loo aofia ai mata-upega fagota ma pa ia e faatagaina . (Silasila i le Pepa Faamatala 6) atoa ai ma le tulafono e aiaia ai le lapopoa talafeagai o ia e ao ona fagotaina .

### ***Fautuaga***

Sa fautuaina e le Komiti le Ofisa o Faigafaiva ina ia taofia le faatauina mai e le Faleoloa o Faatoaga o upega mata nini'i, ae peitai sa faaalua e le Ofisa o Faigafaiva e le mafai ona faia lea tulaga i le taimi nei ona o nei upega o lo o faaaogaina i isi galuega e pei o togalaau aina atoa ai ma isi atinae e puipui mai ai i iniseti faalafua.

Sa faaalua e le Ofisa o Faigafaiva o loo iai tulafono a le Malo ua maea ona pasiaina e faatatau i le faaaogaina o nei upega mo fagotaga ma ua faamalosi nei foi e le Malo faasalaga mo soo se tasi e solia lenei tulafono.

### ***Tulafono***

Mo tagatanuu o Fagamalo faapea tagata ese mai isi afioaga:-

*“Ua matua faasaina lava ona toe faaaogaina matāupega e i lalo ifo o le 2 inisi pe 50mm (fua sūsū), i gataifale o le Fagae'e”*

*“Ua matua faasaina foi ona toe faaaogaina upega tolotolu ma tili e i lalo ifo o le 1.2 inisi pe 30mm (fua sūsū) i gataifale o le afioaga.”*

O le puipuga ma le faamamaluina o lenei tulafono o le a i aao o le pule a alii ma faipule ma le afioaga.

### **Fuafuaga Faataatitia a le Ofisa o Faigafaiva**

O le a fesoasoani le Ofisa o Faigafaiva mo le faatinoina o fuafuaga faataatitia a le Afioaga e ala atu i lana polokalame fesoasoani faatasi ma le lagolagosua i faamatalaga ma fautuaga mo le faamautuina o fuafuaga uma.

### ***4.8 Tulafono e taofia ai faatafunaina o le gataifale – lafoaiina o otaota i le sami ma matafaga.***

#### **Otootoga**

O se tasi lenei o vaega o loo lavea i tulafono ua maea faasalalauina ma ua ioeina e le Komiti ina ia toe faaopoopoina faasalaga ina ia mafai ona saga unaia pea le Afioaga mo lona lelei alu i luma .

#### **O le lafoai o otaota i le sami ma le matafaga e faapogai ai le ;**

- Avea ma nofoaga e tautuufua ai namu, faamanu'alia ai pe lavevea ai vae mai atigi apa ma atigi fagu ae faapena foi ona avea ma nofoaga o punaaga o faama'i .
- Avea o se nofoaga le talafeagai mo meaola o le gataifale .

O le foia o nei faafitauli o le atofaina lea o se nofoaga e lafoai uma i ai otaota a le Afio'aga atoa . E mafai ona lafoai otaota i se lua ma ufiufi malu lelei aua le saogalemu mai i faamai ma siama feaveai . Talu ai e mafai ona tafe ma ulu atu le

oona o lapisi po'o vaila'au e lafoai i le lua o lapisi , o lea e fautuaina ai le eliina o lenei lua o lapisi i se nofoaga mamao ese mai i puna vai taumafa ma le sami.

#### **Fuafuaga Faataatitia a le Afio'aga**

O nisi o fuafuaga faataatitia a le Afio'aga o le saunia lea ma eliina o se lua e faaagaga mo le tuuina i ai o lapisi ma otaota e pei ona taua.

#### ***Tulafono***

*“Ua matua fasaina lava ona toe lafoai lapisi ma otaota e pei o atigi apa , fagu , uamea, pepa iila ma isi i le sami.”*

#### **Faasalaga**

O le solia o lenei tulafono o lona faasalaga e \$20.00 O le le usitaia o lenei faasalaga o le a tuuina atu loa i aao o Alii ma Faipule.

#### **Fuafuaga Faataatitia a le Ofisa o Faigafaiva**

O le a fesoasoani le Ofisa o Faigafaiva mo le faatinoina o fuafuaga faataatitia a le Afioaga e ala atu i lona polokalame fesoasoani faatasi ma le lagolagosua i faamatalaga ma fautuaga mo le faamautuina o fuafuaga.

### ***4.9 Ia aoiona ma faatamaia le Alamea***

#### ***Otootoga***

O o le alamea o se meaola o le ituaiga o le aveau ma e nofo i luga o le aau . O lenei meaola na te aiina meaola ninii ua taua o 'polipe' o loo fausiaina ai le amu . A oo ina faateleina lenei meaola o le alamea o le a faapena ona latou faatamaia se vaega tele o le aau ma aveai o se tulaga pagatia o le a feagai ma le tele o meaola o lo'o faalagolago i le aau mo ofaga ma meaai . E le mafai ona faaumatia pe faanini'iina lenei meaola aua e mafai e nei itutino ona faatupuina mai ai nisi alamea fou seia vagana lava ua aumaia i le pa'umatu ma faamagoina ai.

#### **Fuafuaga Faataatitia a le Afio'aga**

Ua faailoa mai e Aumaga ma Autautai o le alamea o se tasi lea o faafitauli o loo i ai i gataifale o Papa-Sataua.

#### ***Fautuaga***

Ia aoiona ma faaputuina e le afioaga le alamea pe a latou vaaia pe tau foi i ai i taimai o fagotaga . Ia aumaia i uta nei mealo ma tanuina pe faamagoina .Sa fautuaina foi ma faaali finagalo o Alii ma Faipule o Papa-Sataua . O le a tumafai le aumaga ma le autautai e latou te aoiona mai le alamea ma faatamaia i uta .

Fuafuaga Faataatitia a le Ofisa o Faigafaiva.

O le faamalamalamaga o ni fesili e faatatau i le alamea sa faapupulaina ai i le afioaga e leai se polokalame a le Malo e totogi ai le aoiona ma le faatamaia



o lenei meaola , ae vagana ai fesoasoani mai o le Ofisa o Faigafaiva e ala i fautuaga mo auala e tineia ai le alamea.

5

### ***TALOSAGA A LE AFI'OAGA***

1. Na faatalosagaina e le Afioaga ni vaa-fagota se lua mo le faamalosiā ma le unaina o faigafaiva i tuaau ma aau mamao mo le faamoemoe ina ia tuu se avanoa i le aloalo mo le toe faalelei o ona tamaoaiga.
2. Na latou talosagaina foi ni faisua mo le faafaileleina i totonu o latou aloalo pe talafeagai ma lea foi faamoemoe.